



Universitätsbibliothek Paderborn

Cvrsvs Theologici ...

Ea Brevitate Conscriptus, Qvam Tot Tantarvmqve Rervm Amplitudo Et
Varietas Patitvr ...

Quas Secunda Secundæ Et Tertia Pars Divi Thomæ Complectitvr -
Qvæstiones Insper Ad Mores, & praxim spectantes, maximè circa
Sacramenta, accuratè declarantur

Carleton, Thomas Compton

Leodii, 1664

Sectio I. Utrùm Deus falsum aliquid dicere, aut mentiri poßit.

urn:nbn:de:hbz:466:1-13826

Pontifex dubius deponi potest ab Ecclesiâ
peccaret. Quando autem ex pluribus, qui sunt electi, cognoscî nequit quis eorum sit legitimè electus, Ecclesia cogere omnes potest, ut prætenso juri renuncient, sive in ordinem redigant. Dubius etiam Pontifex, si nullâ certâ ratione de legitimâ ejus electione constare queat, deponi potest ab Ecclesiâ, ut factum est in Concilio Constantiensi. Ratio est, Ecclesia siquidem jus habet ad eligendum Pontificem, cui obediens valeat in conspectu Ecclesiæ, sed dubius Pontifex non est hujusmodi, ergo deponi potest, & alius ejus loco per legitimam & claram electionem subrogari.

Quæres, cùm supra, Sect. 4. num. 8. dixerimus Pontificem hæreticum, non statim dignitate

& auctoritate Pontificiâ excidere, nec nisi hominem hac de re judicium & sententia præcesserit, ne Papa ha-
potestate illâ & officio orbari: quare inquam, ne Papa ha-
quo pacto esse possit adhuc Caput Ecclesiæ, quan-
doquidem, ut supra diximus, Fides fit funda-
mentum Ecclesiæ, & sine eâ nullus membrum
Ecclesiæ esse possit multo minus caput. Sed
contra, nullus enim dicit Pontificem, cuius ha-
resis efflet occulta, ipso facto dignitate illâ ac mu-
nero orbari, hic tamen, ut constat, eadem est
difficultas. Respondet̄ itaque Fidem, sicut
non est necessaria ad potestatem ordinis, ita nec
ad potestatem jurisdictionis; unde quamvis non
sit propriè membrum Ecclesiæ, Deus tanen per
quemcumque potest in Ecclesiam suam influere.

DISPUTATIO VIGESIMA TER TIA.

De infallibilitate auctoritatis divinæ.

FIDEI falsum subesse non posse, in superioribus fusè declaratum est, quod nimirum divina veracitati, quæ nec fallere potest nec falli, tanquam objecto formaliter innatur, indéque firmitatem suam & infallibilitatem hauriat. Ut ergo hoc Dei in dicendo veritas clariss innotescat, nonnullas hic circa eam ad totius hujus de Fide tractatus conclusionem inquiremus: quamvis enim res tam clara videatur non posse Deum falsum dicere, ut nullus de eâ relictus sit ambigendi locus, eo tamen audacia processerunt nonnulli, ut hoc affirmare non sint veriti, quos proinde res Theologicas tractantibus nefas est non refellere, sed Dei veritatem ab hac calumnia vendicare debent, & obstruere os loquentium iniqua.

S E C T I O P R I M A.

Vtrum Deus falsum aliquid dicere,
aut mentiri possit.

*L.
Quid sit
mendacium.*

MENDACIUM, ut communis jam habet Theologorum opinio, est Manifestatio rei contra id quod existimat verum: seu, ut alii illud definint, est Enunciatio contra mentem loquentis: quod conforme est doctrinæ Divi Augustini lib. de mendacio, cap. 3. ubi ait, Ideo aliquem mentiri, quia aliud habet in animo, aliud verbis enunciari: ubi etiam ait S. Doctor, non verbis tantum, sed etiam signis ac nutibus mentiri aliquem posse: strictè tamen loquendo volunt multi mendacium in solis vocibus constare, factis namque significare falsum, est simulatio potius quam mendacium, ut docet S. Thomæ.

*In idem re-
cidunt va-
rie defini-
tiones me-
daci.*

mas quæst. III. art. 1. Quod vero dicunt aliqui ad mendacium requiri intentionem fallendi, non ita intelligendum est quasi, ut quis mentiatur, ha- beat directè & formaliter animum decipiendi, sed indirectè tantum ac remotè, & radicaliter, seu quod habeat animum scienter proferendi propositionem falsam, quam novit esse talem, & hoc modo det occasionem deceptionis, quamvis ipse non intendat formaliter per eam quemque decipere.

Mentiri ergo, ut vetus dictum habet, est contra mentem ire: unde non est idem mentiri & dicere falsum, potest quippe aliquis & falsum dicere sine mendacio, & verum cum mendacio, si nimis in primo casu id quod falsum est, putet esse verum, in secundo vero id quod re ipsa est verum, existimet esse falsum; sive in eo sita est malitia mendacii, quod verba discordant à mente, seu in distorsione ac dissidio, ut ita dicam peccoris & lingua: quæ est ipsissima doctrina S. Augustini.

S. Augustini in Enchirid. cap. 18. ubi ait Mendacium esse , dicere aliquid scienter aliter ac sentimus.

III.
An dicens
verum pu-
tans effal-
sum com-
mittat pec-
catum men-
daci com-
plum.

Sic mentiens
aut pejorans
incurreret
conjurat.

Ex hac vero occasione queri potest , Utrum sit qui occidit feram putans esse hominem , non committit homicidium completum & consummatum ; sed affectu tantum , non effectu , unde si censura aliqua esset annexa homicidio , eam non incurreret ; queri inquam , potest utrum idem dicendum sit de mendacio . Existimo juxta principia hic posita , & notionem mendacii jam traditam , disparem hanc in re esse rationem inter homicidium & mendacium ; in hoc enim causa verba ejus discordant a mente , & aliud putat , aliud loquitur , sive non affectu tantum , sed etiam effectu mentitur , & completum ac consummatum mendaci peccatum committit . Unde si poena aliqua aut censura mendacio esset annexa , illas incurret , cum vere & propriè mentiretur : & idem dicendum de illo , qui hoc etiam modo pejaret . His ergo positis

IV.
Heretici
guidam af-
forebant
Deum ali-
quando fuisse
mentitum.

Sanctus Augustinus libro contra mendacium , cap. 2. & de hereticis 70. refert Priscilianistas hereticos , ut sua excusarent mendacia , & speciosum sibi hac in re pretextum obtenderent afferuisse Deum sapientius fuisse mentitum : Non se alter , inquit S. Augustinus , arbitrantur veraces suam ostendere falsitatem , nisi veritatem dicant esse mendacem .

V.
Catholici
guidam af-
forebant
Deum do-
potestia ab-
soluta men-
tri posse.

Nec satis recte hac in re processerunt nonnulli Catholici , qui quamvis Deum de potentia ordinarii mentiri non posse asserterent , dicebant nihilominus posse eum mentiri de potentia absoluta : ita Petrus de Alaco in 1. quæst. 2. dub. 3. & Adamus in 3. Dist. 14. quæst. 5. dub. 2. Gabriel vero in 3. d. 12. quæst. 1. art. 3. dub. 1. affirmat posse Deum dicere falso , hoc tamen faciendo , inquit , non mentitur ; ad vitandam quippe vocis invidiam , inquit Suarez , mendacium prater hoc , quod est contra mentem ire , ait includere deordinationem quandam moralem , seu peccatum , quare licet Deus falso dicere . non tamen mentiretur , quia hoc faciendo non peccaret . Idem docere videtur Robertus Holtcot in 2. quæst. 2. art. 8. memb. 3. Hoc tamen , inquit P. Coninck Disp. 10. dub. 1. est abuti & rebus & vocibus ; unde quoad presentem quaestionem idem est mentiri & falso scienter dicere , seu aliud mente judicare , aliud verbis exprimere .

VI.
Falsitas du-
plex , mate-
rialis &
formalis.

Mentiri quis
potest etiam
dicere ve-
rum.

Ut clarius hac in re procedamus , notandum falsitatem esse duplēm , materialēm , quando quis id quod falso est dicit putans nihilominus id esse verum , & formalem , quæ tunc intervenit , ubi quis sciens aliquid esse falso , illud tamen affirms , aut sciens esse verum negat , in quo mendacium formale situm est : quod etiam tunc contingit , quando quis existimans aliquid esse falso illud affirms , quamvis recipiat verum , sive mentitur , non quia dicit falso , sed quia dicens etiam verum , loquitur contra mentem , & aliud interioriū judicat , aliud verbis profert exterioriū , de quo fuisus dictum est , numero secundo & tertio .

VII.
Deus non de-
potestia or-
dinarii tan-
tum , sed ne-
deabsoluta
potest men-
tiri.

Conclusio : Deus nullo ex his modis mentiri aut falso dicere potest : hæc est certa & indubitate sententia , idque loquendo non de potentia ordinarii , sed etiam de absoluā . Prima pars de mendacio materiali constat , Deus enim , cum omnia perfectè noverit , non potest aliquid falso dicere ignorans id esse falso ,

P. R. Comptoni Theol. Scholast. Tom. II.

seu existimans esse verum , cum omnia oculis ejus nuda sint & aperta , & nulla in re falli ullā ratione possit .

Secunda pars de mendacio formaliter ostenditur **VIII.**
in primis ex Scripturā , ad Hebreos 6. vers. 17. Ex sacris
ubi sic loquitur Apostolus : In quo abundantius Litteris ostē-
volens Deus ostendere pollicitationis heredibus immobi- ditur Deum
larem Consilii sui , interposuit jurandum : ut per non posse ul-
duas res immobiles (promissionem scilicet & ju-
mentum) quibus impossibile est mentiri Deum ,
fortissimum solatum habemus . His autem verbis
evidens est Apostolus loqui de potentia absolu-
ta , alioquin solatum non esset fortissimum , cum
dubitare absolute possemus an Deus hic & nunc Quicquid à
loquendo , seu testando non utatur potentia ab- primâ veri-
sitate dicitur
soluta . Quicquid ergo est revelatum à primâ
& summâ veritate debet esse certissimum & verif- verissimum ,
sum , ut cum S. Thoma docent Theologi , & certissi-
mum .
aliо quicquid nec prima esset veritas , nec summa , sive
Fides nostra non esset certissima , nec firmis-
fimus assensus : quæ est ratio conclusionis à San-
cto Thoma & Theologis assignata . Qua de re
pluribus agemus Sectione sequente .

Hæc etiam veritas probatur ex illo ad Rom. 3. vers. 4. Est autem Deus verax , omnis autem homo mendax : hoc autem non de potentia tantum ordinarii intelligendum est , sed etiam de absoluā , ut communis habet Patrum sententia , qui hoc in ipsa divinâ naturâ fundatum esse dicunt , quicquid autem Deo naturale est , nequit aliter se habere , etiam de potentia absoluta . Idem , ut alia Scripturæ loca omittam , probatur ex illo Nu. 23. vers. 19. Non est Deus quasi homo , ut mentiatur : nec ut filius hominis , ut mutetur . Dixit ergo , & non faciet ? locutus est ; & non implebit ? ubi , sicut in præcedente testimonio , sermo est de actu primo , seu de capacitate ad mentiendum , non de actu secundo , nec enim omnes homines actu mentiti sunt , ut Beata Virgo , & alii nonnulli viri sanctissimi ; ac proinde sermo illic esse debet de potentia ad mentiendum .

Accedunt Patres , qui omnimodam Dei ad mentiendum incapacitatem luculenter adeo tradunt , ut nullus de eorum mente dubitare possit . Sanctus ergo Chrysostomus Homiliâ in Symbolo sic habet : Aliqua Deus non potest , ut fali , fal-
tere , mentiri . Sanctus etiam Athanasius libro de Incarnatione Verbi : Absurdum est , inquit , Deum in suis verbis mentiri . Deinde S. Basilius sermone de abdicatione rerum sic habet : Hæc verba Clard. 10.
Dei sunt , & ideo falsa esse non possunt . Ad hanc quantur rem etiam facit dictum illud S. Anselmi lib. 1. Cur Deus homo , cap. 12. Non sequitur , inquit , tantum p. 1. de ordinariâ justum esse mentiri , si Deus vult mentiri , sed potius tentia , sed Deum illum non esse . Nam nequaquam potest velle de absoluā , tentia voluntas , nisi in qua corrupta est veritas ; in quo deferendo veritatem corrupta est : ubi loquitur aperte de potentia etiam absoluā , cum dicit Deus non fore Deum , si mentiatur . Denique S. Augustinus lib. 22. de Civit. Dei , c. 25. Si volant invenire , inquit , quod omnipotens non sicut nec potest , habent prorsus . Ego dicam : mentiri non potest , nec tentia . Clarius etiam rem hanc explicat lib. 1. de fali , ita nec mentiri potest . Symbolo , cap. 1. ubi haec habet : Deus omnipotens est : & cum sit omnipotens , mori non potest , potens . fali non potest , mentiri non potest , & quod ait Apostolus , negare seipsum non potest ; quam multa non potest , & omnipotens est , & ideo omnipotens , quia ista non potest : nam si mori posset , non esset omnipotens , si mentiri , si fali , si iniuste agere , non esset omnipotens .

M

Ex

Tom. II.

XI.
Ostenditur
inanem esse
diftinctionem illam
de mentiri
de potentiā
ordinariā &
abolutā.

Ex quibus Patrum dictis manifeste habetur inanem esse eorum distinctionem, quos supra num. 5. retuli, qui dicebant non posse quidem Deum mentiri de potentia ordinaria, posse tamen de potentia absoluta: Patres siquidem, ut vidimus, de potentia absoluta loquuntur, iis quippe utuntur exemplis, quibus hoc aperte indicant, velle se Deum, per nullam omnino potentiam mentiri posse; dicunt namque eum non magis posse mentiri, quam mori, quam falli, quam iniquè agere, quam negare seipsum; hæc autem Deo per nullam potentiam possunt contingere. Plura hac de re Sectione sequente.

XII.
Idem in
phrasē Scriptura est
mentiri, &
scienter di-
cere falso.

Habetur secundum, non minùs inanem esse distinctionem illam Gabrieles supra, eodem numero quinto positam, quia aiebat posse quidem Deum falso dicere, sed non mentiri, nam secundum modum loquendi Scripturæ idem est mentiri & falso scienter dicere, unde in loco illo Num. 23. citato, ut vidimus, ait Prophetæ: *Dixit ergo, & non facit: locutus est, & non implebit.* Si namque Deus non implete quod promisit, alterum è duobus sequatur necesse est, vel eum promisisse absque animo faciendi, vel mutas fentiam, quorum primum est mentiri, secundum mutari. Unde Joan. 8. vers. 55. dicit Christus: *Si dixeris quia non scio eum (Patrem) ero similis vobis mendax: ergo clarum est Christum procedem sumere mentiri, & scienter falso dicere.* Qua de re in sequentibus iterum redibit sermo.

SECTIO SECUNDA.

Vlterius ostenditur Deum nullā ratione
mentiri, seu falso
dicere posse.

I.
Deus etiam
per alios,
qui ejus no-
mine lo-
quuntur
mentiri non
potest.

In Deo perinde
est falso
dicere, &
scienter di-
cere.

II.
Quisquis
per alios ali-
quid dicit,
illud verè
confiteri
diceret.

Deus, si per
alium dico,
ret falso,
mentiretur.

SECOND A Conclusio: Deus sicut per se mentiri, seu falso dicere non potest, ita nec id facere potest per alium. Dixi, mentiri seu falso dicere; quamvis enim in nobis, ut Sectione precedente ostendi, hæc duo separari possint, cum variarum rerum ignorantia laboremus, nec quisquam, circa specialem Dei illustrationem & instructionem, usque adeo sit perspicax, ut rerum omnium perfectam habeat notitiam, ex quo accidere potest, ut ignoranter dicat falso, existimans illud esse verum, idèoque non mentitur formaliter, quia non dicit falsum scienter, in Deo tamen, qui res omnes perfectissime cognoscit, hæc duo, falso dicere & scienter falso dicere, separari non possunt, cum si falso diceret, sciret id esse falso, & consequenter esset mendacium formale.

Probatur itaque Conclusio; quicquid enim Deus per alios dicit, verè dicit, sicut qui aliquem per alium occidit, verè illum occidit; unde & David Uriam, & Judæi Christum verè occiderunt, quamvis nec David Uriam, nec Judæi Christo vulnera per se & immediate inflixerint: sic etiam Luca primo, & capite primo Epistola ad Hebreos dicitur Deus per Prophetas locutus: cum ergo Deus quod per alios dicit, verè dicat, non minùs falso diceret & mentiretur, si per alios hoc faceret, quam si faceret immediatè per seipsum. Quare, sicut supra diximus, si Deus vel semel per se aliquid falso diceret, nulla esset illius auctoritas, quia dubitare semper possemus, an alias ciuitas non esset falso quod

loquitur, ita & si falso diceret per alium, sicutque nulla esset auctoritas sacrae Scripturae, quam nobis per Prophetas tanquam per nuncios suos veluti Fidei regulam tradidit, sicut & Fides ipsa fluctuaret, nec haberet eam firmitatem, quam omnes in Fido Theologicā requirunt.

Probatur ulterius Deum nec per se, nec per alios mentiri posse; mendacium siquidem, ut do- Mendacium
est intrinsec
malum, ac
proinde à
Deo proce-
deret nullo
modo potest. cet Sanctus Augustinus in libro de mendacio & contra mendacium, putatque esse de Fide ha- ref. 70. est intrinsecum malum: quia etiam est sententia S. Thomæ infra, quæst. 110. art. 3. do- centque passim Theologi, & ideo prohibitum, non est contra, malum quia prohibitum, ergo à Deo procedere nullo modo potest, quanvis enim lego Deo prohibitum non sit, Summo bono tamen ab intrinseco, & prædicatis essentia- libus omne malum repugnat: antecedens vero, mendacium scilicet esse intrinsecum malum pro- batur ex illo ad Rom. 3. vers. 8. ubi loquens Apo- stolus de mendacio damnat dictum illud quo- rundam afferentium: *Faciamus mala ut eveniant bona,* aperte significans mendacium ita malum esse, ut nullā de causā fieri possit, nec ullo fine cohonestari: unde Alexander tertius Cap. Super servandā eo de usuris afferat sacras literas prohibere, ne fas est ma- quis vel pro alterius vitā servandā mentiatur; tamen quod indicio est mendacium esse intrinsecum & in- dispensabiliter malum.

Adde, quamvis daremus in hominibus licitum interdum esse mentiri ad ingens aliquid malum vitandum, quod nisi per mendacium vitari ne- quiret, in Deo tamen excusari non posset, omnipotens enim cum sit & infinitè sapiens, medium ei honestum deesse nequit ad finem quemcumque posset inveni. Etsi mendaci-
um excu-
tar posse in
hominibus,
non tamen
naturā inno-
tuīt Deum
admitteretur posse homines nonnunquam gravi-
presso necessitate mentiri, dum nullus alius iis non posse occurrit, ingens aliquod malum, quod eorum capitibus imminent, vitandi modus, à Deo tam- men ob rationem jam datam id fieri non posse: hoc Cicero, hoc Plato secundo de Republica circa finem docuit, mendacium scilicet, quamvis homini utile subinde esse posset, Deo tamen semper esse indignum.

Insuper est peculiaris ratio, cur Deus mentiri nequeat, si enim vel semel mendacium, etiam levissimum diceret, summam illam suam auto- ritatem amitteret: sicut enim dici passim inter homines de hominibus solet: *Si quis semel Fidem frangerit, etiam per omnes Deos juraverit, Fides ei amplius non est adhibenda,* ita si Deus vel semel mentiretur, nulla deinceps esset ejus auctoritas, nec quisquam existimat se ejus dictis securè Fi- dem postea adhibere posse: ac proinde sicut im- possibile est Deum velle privare se hac supremâ auctoritate, ita impossibile est eum velle mentiri. Hinc etiam apud homines quotidie videmus, quamvis dicere leve aliquod mendacium sit pec- catum tantummodo veniale, si tamen quis falsi- tam illam firmet juramento, censetur semper peccatum mortale, quod nimis Deum in te- stem rei falsæ vocare, sit cum suâ auctoritate privare, & reddere mendacem.

Si quis